

Guangjisi Minzcu Bau

ganhhau: CN45-0036 B.2018 Nd.5 Ng.2 liggaeu fouhswt nienz ndwensam cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3322期

Liujcouh Si Cauhmoq Hwngfat Minzcuz Vwnzva Canjnieb Coi Vut Gungz

柳州市创新发展民族文化产业促脱贫

Geij bi neix daeuj, Liujcouh Si doenggvaq gij fuengsik cwngefuj haeuj-coengh, cungdenj gungganq, ndaw-biengz camgya, canjnieb hwngfat, lai dieg doxgap, haenqrengz gaujhoengh conzdungj gunghyi, hwngfat gij canjnieb vwnzva minzcuz vunznoix, bang-rengz vunzlai dieg gungzhoj cinjceng vut gungz.

It dwg swncienj caeuq hwngfat gij canjnieb dajsiuq minzcuz. Liujcouh Si Duncuz, Myauzcuz caeuq Yauzcuz dajsiuq swhyenz gig lai, lizsij gyaeraez, ndawde Siuqdung caeuq Siuqmyauz gaenq liedhaeuj swigih gaep "feihyiz" mingzloeg. Geij bi neix daeuj, Liujcouh Si haenqrengz doidoengh swncienj dinfwngz conzdungj, cujciz bouxswncienj dawz dinfwngz Siuqdung, Siuqmyauz son-

gyauq hawj mehmbwk dangdieg, caemhcai banh senhconz langhbaij hozdung, doxdax dajveh huqsiuq caeuq doxdax dinfwngz, caeuq gauhyau daphwnj aen bingzdaiz doxdap, doengzcae zenzgiu haifat gij huq dajsiuq gai daengz ndaw guek rog guek, bangrengz vunzlai vut gungz laisou.

Ngeih haenqrengz gungganq gij canjnieb vut bouxgunnaz. Sanhgyangh Duncuz Swciyen conzdungj vut bouxgunnaz lizsij gyaeraez, mingz-daeuz riuz gya. Doenggvaq banh aen ban son'gyauq vut bouxgunnaz, hwnjguh aen bozvuzgvanj vut bouxgunnaz, laebbaenz aen yozvei vut bouxgunnaz, banh ciet yisuz vut bouxgunnaz daengj fuengsik, miz lai fuk vut bouxgunnaz ndaej gak sengj si

meijsuzgvanj souyo, mizmbangj veh lij soengq daengz Yizbwnj, Fazgoz daengj guekgya camgya langhbaij, daezsang le gij rengzyingiyangj caeuq mingz-daeuz vut bouxgunnaz Duncuz. Doengzseiz, gaenxmaenx dajcauh gij vunqsik "gunghsw+gihdi+densangh+canghveh", byaij ok diuz roen vut gungz baenz miz veh gai caez guh he.

Sam dwg yawjnaek vatcimh gij haedsim vwnzva minzcuz, gungganq vunzcai swncienj, daezswng minzcuz vwnzva canjnieb. Doenggvaq "yinx haeujdaej" caeuq "byaij okbae", gyagiengz gungganq vunzcai bonjdieg, gikfat gij rengzhoengh cauhamoq cauhamoq bonjfaen, byaij ok diuz roenmoq hwngfat swngghai hanzyangj vwnzva dieg minzcuz vunznoix he.

(Van Gvanghbingz)

Sanhgyangh: Gij Vwnzva Feihyiz Haeuj Hagdangz



三江: 非遗文化进校园

Ndwen 4 ngoenz 26, youq Sanhgyangh Duncuz Swciyen Fuluz Yang Mbanjgauh-anh, Cinz Naijhaou bouxswncienj guekgya gaep feihyiz golaux Duncuz youq gizhaenx son gyoengq hagseng Gauh'anh Siuzyoz lienh ciengq golaux Duncuz. Geij bi neix daeuj, Sanhgyangh haenqrengz doicaenx gij vwnzva feihyiz haeuj hagdangz hozdung, doenggvaq hailaeb "dangzgoq feihyiz", cingj roxnaeuz gungganq lauxhangz daengj banhfap, dawz golaux Duncuz, siuq Duncuz, gyong laz gimz yienz Duncuz daengj dinfwngz feihyiz yinx haeuj dangzgoq, fungfouq gij saedceij rogdangz hagseng, hawj gij vwnzva feihyiz daihdaih doxcienj. Ndaw doz dwg Cinz Naijhaou cingq son gyoengq hagseng lienh ciengq golaux Duncuz.

(Gunj Yicungh/滚亿忠)

Dunghlanz Yen Gyavaiq Bangrengz Mbanjyauz Hwngfat

东兰县加快助力瑶乡发展

Sanhlung Yauzcuz Yangh dwg aen minzcuz yangh dandog Dunghlanz Yen. Geij bi neix daeuj, Dunghlanz Yen Minzcunghgiz doenggvaq ceng-aeu cwngecwz, gyalai bued cienz, gaenxmaenx camgya daengj hingzsiq, mboujduenh gyalai gij ligdoh bangfuz minzcuz yangh, hawj Mbanjyauz haemq gungzhoj doeklaeng haenx yienghsiengq bienqvaq hungloet.

It dwg gig yawjnaek. Aen giz neix cujyau lingjdauj gaenxmaenx gvancez doeksaed minzcuz cwngecwz dangj, lai baez bae mbanj minzcuz yangh caeuq ranz bouxgunnaz, bangcoh gaijgez gij vwndiz guh hong ndwenngoenz gven-daengz vunzlai minzcuz. Ngeih dwg gyalai rengz. Youq aen giz neix

giepnoix vunz seiz, lij anbaiz song boux ganbu daengz Sanhlung Yauzcuz Yangh guh bouxgunhong bangfuz, ndawde boux ndeu guh faen duicangj guh hong bangfuz Sanhlung Yauzcuz Yangh. Sam dwg laebdaeb laebndei giekdaj sezsih. Dan bi 2018 byongh bi gonq couh anbaiz 108.6 fanh maenz bued roengz hwnjguh roenloh minzcuz yangh, seizneix aen yangh neix gaenq cienzbouh saedyienh aen moegbiu cunhcuinh doeng roensuijniz, dingzlai mbanj cungj dajndongj roenloh, yawhsuenq daengz bi 2019 gihbwnj saedyienh aen moegbiu mbanjmbanj doeng roensuijniz, linghvaih, lij boiqhab gvendaengz bouhmonz doeksaed minzcuz yangh gwn raemx ancienz,

gaijguh ranzvaih lajmbanj, daizheiq vwnzva lajmbanj daengj gunghgung fuzvu sezsih, gij ndwenngoenz diuz-gienh vunzlai minzcuz yangh mboujduenh gaijnde, ndwenngoenz sui-bingz mboujduenh daezsang. Seiq dwg hwngfat daegsaek canjnieb. Doenggvaq gyavaiq diuzcingj guh ndei nungzyez canjnieb gezgou, hwngfat swngghai gauhyau nungzyez. Seizneix, Sanhlung Yauzcuz Yangh daengx yangh ndaem gonengznuengx 3000 lai moux, daengx bi ndaej reh 230 dun, gyaqcienz dij 1150 lai fanh maenz; ndaem gohojmaz 2000 lai moux, daengx bi canjceiz 130 fanh maenz; ndaem makhwzdauz daengz 11212.9 moux.

(Veiz Swng'yang/韦盛向)

SIUSIK DINJ

简讯

● Ndwen 4 ngoenz 25, Liujcouh Si Gungh'anhgiz Gunghyenz Baicuzsoj lienzhab bouxgunhong Lozciz Segih daengz segih haiguh minzcuz doxgiet senhconz hozdung, hozdung yienhciegz minz-gingj senhconz minzcuz cwngecwz caeuq fapldw fapgi dangj hawj vunz dangdieg, fatcuengq senhconz swlhliu, gejgangj gij simngeiz minzcuz cwngecwz, hawj minzcuz cwngecwz caeuq fapldw fapgi dangj haeujlaeg simvunz.

(Cinz Fulinz)

● Geij bi neix daeuj, Liujcouh Si Yungzanx Yen haenqrengz doicaenx hwnjguh "roen lajmbanj seiq ndei", cienzmienh gyagiengz guenj-leix ciengxhoh roenloh lajmbanj, roenloh lajmbanj ciengxhoh lijcwngz gaenq daengz 830.688 goengleix. Muengx roen lajmbanj cwgoemq gvaengxlaengx caeuq najroen daengigaep mboujduenh daezswng, fuengbienh vunzlai diegbya okrog, bang doi lajmbanj saenqhwnj.

(Veiz Yungzgingh)

● Bineix ndwen 4 doxdaeuj, Lozyez Yen youq daengx yienh 88 aen hingz-cwngcunh(segih) hailaeb "gvangjbo iq lajmbanj", gvangqlangh senhconz gij banhfap fuengcim hong vut gungz gunggeng, aeu sing-yaem dangj caeuq cwngefuj cienz daengz lajmbanj, vih vut gungz gunggeng okrengz. Seizneix hailaeb miz sing-yaem cungsiuhgi cienz fanh ranz, fap youq lanx senhconz henz ndang, cienz sing cwngecwz leih beksingq daengj boqyaem lanzmoeg.

(Vuj Gozyouj)

● Geij bi neix daeuj, Cingsih Si Vadung Cin gaenxmaenx diuzcingj canjnieb gezgou, doenggvaq canjnieb daiqdoengh, dinfwngz daiqdoengh, fugsah daiqdoengh, haenqrengz hwngfat ndaem mak, seizneix ndaem miz makit, makbakhom, makgamdiengz, makdoengj daengj 10000 lai moux, bang vunzlai gungzhoj vut gungz.

(Vangz Anhcungh)